



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 214. Quinam veniant hoc titulo.

---

[urn:nbn:de:hbz:466:1-73982](https://nbn-resolving.org/urn:nbn:de:hbz:466:1-73982)

*Quæst. 211. Quinam intelligantur hic per rebaptizantes seu iterantes baptismum?*

**R** Esp. Intelliguntur, qui ritè semel baptizatos absolute & scienter sapitus quam semel baptizant, & hinc anabaptista dicuntur, & gravissimum Sacriligium, immanissimum scelus & inexpiabile faciunt & committunt, ut dicitur *Can. rebaptizare* 108, & *Can. 112. de consecrat.* quia rite collatus baptismus indelebilem characterem imprimit, & hinc interabilis, juxta quod definitur Florent. in *Decret. unio- nis*. §. 5. & *Trid. sess. 6. c. 9. & sess. 14. c. 2. de Sacrament. in gen. & can. 11. de baptismo.*

*Quæst. 212. Quæ poena rebaptizantium & scienter rebaptizatorum?*

**1.** **R** Esp. Primò, Jure Civili afficiuntur ultimo supplicio. *l. 1. §. 2. c. ne sanctum Baptisma iteri.*

**2.** **R** Esp. Secundò, qui Jure Canonico scienter vel etiam per ignorantiam crassam & moraliter culpabiliter rebaptizat absolute aliquem semel baptizatum, irregularitatem incurrit. *C. confirmandum. dist. 50. C. Afror. d. 78. can. qui in qualibet. 1. 4. 7. c. ex literarum. h. t. Barbol. ibid. n. 2. Navar. in man. c. 27. n. 246.* ita ut ad ordines saltem majores promoveri nequeat. *Diaz. pract. crim. v. rebaptizati. c. 15. 1. §. v. ordina- di Lit. B. Pirh. h. t. n. 13.* idque, ut idem cum *Navar. l. c. & aliis communiter apud Laym. l. 1. rr. §. c. 2. n. 1.* indubitatum, si delictum publicum & notorium; secus tamen, seu non incurritur irregularitas hæc à rebaptizante sub conditione, si baptizatus non est, licet temerè & sine sufficiente inquisitione hujus conditionis rebaptizet, quia conditio apposita de præsentè vel præterito, si subit, impedit actum rebaptizandi, neque talis habet intentionem iterandi baptismum; si jam baptizatus, & quòd si fuit baptizatus, non iteratur baptismus, sed primò confertur, ita *Navar. Laym. Pirh. l. cit.* de cætero extenditur irregularitas hæc ad eos, qui rebaptizanti ministrant, ut *Acolyti, Subdiaconi, Diaconi*, juxta citatum *c. ex literarum*, ita ut ad Ordines superiores ascendere nequeant, & ipsi, si crimen est notorium; quin & extenditur ad alios ministrantes, quia non respectu soli Acolythi quæ talis, sed ratione ministerii ex officio præstiti incurritur hæc irregularitas. *Reiffenst. h. t. n. 36.* secus tamen hic iterum est de ministrantibus rebaptizanti ex ignorantia, baptizandum esse baptizatum, modò ignorantia non sit crassa;

quia irregularitas hæc incurritur propter delictum, adeoque ubi id propter ignorantiam abest, non incurritur. *Scot. in 4. dist. 6. 9. 8. Laym. l. c. & alij*, quos refert *Reiffenst. n. 38.* his non obstante *can. qui bis dist. 4. de consecrat.* dum ibi dicitur; qui bis igno- rante baptizati sunt, non indigent pro eo penitentes, nisi quod secundum Canones ordinari non possunt, nisi magna necessitas cogat; nam *can. is. vim legis* non habet, cum nec à Papa, nec ab aliquo Concilio proveniat, sed sumptus ex penitentiali Theodori, ut notant *Pirh. n. 16. Reiffenst. n. 39.* ex Covar. quem posterior male citat, citandum rectius in *Clem. si fa- riosus. in relect. p. 1. n. 8.* neque *Can. qui in quacunq. 1. 9. 2.* ubi, qui in quacunq. etate (adeoque etiam infantes) alibi quam in Ecclesia Catholica baptizati aut rebaptizati sunt, ad ecclesiasticam militiam pro- fus non permittantur accedere; nam ibi sermo est de etate discretæ & doli capace, ut cum *gl. ibid. v. etate. Pirh. Reiffenst. l. cit. & pro ut constat ex c. 3. §. sequi. caus. 1. 9. 4.* ubi expressè, quòd parvuli ab hæreticis baptizati, si postea conversi fuerint ad Ecclesiam, ad ordines promovendi possunt, additè etiam ratio- ne, quia suo id non fecerunt iudicio. Sed neque ignoranter rebaptizatus, dum postea scienter id ratum habeat, si irregularis, cum rati habito com- paratur mandato, quòd ad culpam, non quòd ad pe- nas juris, nisi id exprimat, *Pirh. l. v. cum Avila de cens. p. 7. d. 7. dist. 2. concl. 3.* Porro in irregula- ritate hæc verè contracta solus Papa dispensat, si delictum est publicum *c. 2. h. t. & ibi. Barbol. n. 7. Diaz. l. v. lit. B. Pirh. l. c. Reiffenst. n. 40.* si verò delictum occultum, dispensare potest Episcopus, vi- gore *Trid. sess. 24. de reform. c. 6.*

*Quæst. 213. Num dictam irregularita- tem incurrat iteratò scienter confe- rens alicui Sacramentum confirmatio- nis, aut illud suscipiens?*

**R** Esp. Negativè; cum irregularitas nunquam in- curratur, nisi in jure expressè reperitur, *C. si qui. de sent. excom. in 6.* in jure autem nullibi statuta iteranti Sacramentum confirmationis. *Covar. Diaz. l. cit. Pirh. n. 17.* contra *Navar. in man. c. 27. n. 146.* Quatenus dicit contrarium consuetudine observa- ri. His non obstante, quòd *c. dictum. dist. 5. de consecrat.* æqualiter prohibetur iteratò tam con- firmationis quam baptismi, siquidem pœnæ exten- dendæ non sunt à casu ad casum, etiam uterque præ- hibitus sit.

## TITULUS X.

### De his, qui Filios occiderunt.

*Quæst. 214. Quinam veniant hoc titulo?*

**R** Esp. tamen hujus tit. rubrica exprimat solum, qui filios occidunt, veniunt tamen parricidæ omnes, tam propriè, quam minùs propriè tales. Parricidæ propriè tales dicuntur & sunt, primò, si etymon nominis spectes, qui proprium patrem vel matrem occidunt, *l. 1. ff. ad leg. Pompeiam de parricid.* ubi, quòd sit patris excidium vel cædes, idque, etiam si occidatur pater naturalis tantum, & non legitimus, consideratur enim substantia filiationis, & non qua- litas. *Clar. l. 5. sent. §. parricidium. n. 2. Farin. pr. crim. p. 5. q. 120. sess. 5. n. 105. Alex. in L. ex*

*facto. §. si quis rogat. ff. ad S. C. Trebelli. Pirh. h. t. n. 1.* Extenditur hoc nomen etiam propriè ad eos, qui avum vel aviam aliòsque quoscunq. ascendentes in infinitum occiderunt; quia veniunt patentum nomine, quin & postea nomen & pœna parricidii propriè applicata his, qui filios aut nepotes ex filio aut filia descendentesque ex linea recta occiderunt. *cit. l. 1. & ibi gl. v. filium. Farin. l. c. n. 108. & 109.* quo etiam reducit cum citato à se *Farin. n. 111.* *Pirh. vitricum & novercam occidentes, privignam vel privignam, quamvis hi ab aliis ad parricidas minùs propriè reducantur.* Parricidium verò minùs propriè & largius loquendo, est & dicitur quòdvis homicidium cujusvis consanguinei, etiam collateralis, vel

vel etiam affinis, puta, fratris, sororis, patruelis, patru, avunculi, amita, confobrini, generi, socii, uxoris, mariti, pro ut hi enumerantur *cit. L. 1. ff. ad Leg. Pompejam de parricid.* item Sponsa & Sponsus, *L. 3. ff. ad Leg. Pomp. Gl. ibid. v. in pari.* Farin. *l. c. n. 132.* Pirh. *l. c.* Reiffent. *h. t. num. 4.* Item Patroni vel Patrona. *cit. L. 1. & ibid. Gl. v. Patronum.* Farin. *num. 113.* Pirh. *l. c.* Item extenditur nomen & pœna parricidii, ad eos, quorum mandato commissum. Farin. *num. 136.* item cujus dolo id factum. *cit. L. 1.* Item qui ad illud consilium & auxilium præstitit, omnesque confecti & participes hujus criminis. Host. *in sum. h. t. n. 1.* Farin. *num. 139.*

**Quæst. 215. Quenam Pœna parricidii?**

**1. Resp.** Primò: Pœna Parricidii propriè talis, nimirum eorum, qui parentem vel prolem, avum vel aviam (vel etiam, ut extendit Gh. *in L. penult. ff. ad Leg. Pomp. v. G. aviam.* personas ascendentes & descendentes lineæ rectæ) occiderunt, Jure Civili scilicet, *cit. Leg. penult. L. unica. c. de his, qui parent. v. fil. occid.* & expressa §. 6. *Instit. de publ. jud.* erat ut euleo, id est, Sacco coriario vivi una cum cane, gallo gallinaceo, vipera & Simia infuti in mare vel flumen vicinum conjicerentur. Verùm ob periculum desperationis sublata hodie dum crudeli hac pœnâ (exceptâ Hispaniâ, in qua teste Gomez. *L. 3. var. resol. c. 3. n. 4.* adhuc vigere dicitur) eidem successit juxta *constit. crim. Caroli V. a. 131.* pœna, ut mater (idem est de aliis similibus Parricidis, v. g. patre, ut Reiffent. *h. t. num. 6.*) viva in terram defoderetur, perque ejus corpus stipes seu palus transfigeretur, aut ad evitandam desperationem aquis suffocaretur. Verùm & hæc pœna usu & consuetudine sublata, pœna aliâ præter ultimum supplicium pro diversitate circumstantiarum arbitrio Judicis, consuetudine locorum, vel legum municipalium exasperandæ vel mitigandæ sunt subrogatæ. Sic alicubi ad caudam equi alligati trahuntur, rotæ affiguntur confractis etiam per totum corpus eorundem membris, de quibus vid. Clar. *l. c. n. 5.* Farin. *cit. q. 120. f. 1. n. 12.* quod idem etiam in Parricidio impropiè tali servatur, dum circumstantiæ atrociores sic exigunt, v. g. ut prius forcipibus candentibus aduratur, qui conjugem aut consanguineum proximiorum occidit, dum aliâ simplici homicidio simplex & ordinarium supplicium statuitur.

**2. Resp.** Secundò: Jure Canonico, quo nulla pœna corporalis parricidii statuitur, ii qui parentes occidunt, per annum Ecclesiam ingredi non debent, nec per tres annos Sacramenta percipere, nec carnes comedere, nec vinum bibere, & singulis Hebdomadis ter jejunare, per pedes itinera conficere, aliâque præstare, & ab aliis abstinere debent. per *C. laborem. 33. q. 2. & c. 1. h. t.* cujus textum per extensum inducit Reiffent. *num. 8.* Verùm constitutiones illæ solum locum habebant in foro animæ seu interno conscientia, ut satisfaceret Deo, non verò in foro contentioso seu externo, ut Abb. *in cit. c. laborem. num. 30.* Sed neque modò amplius sunt in usu. Unde Judex Ecclesiasticus parricidam Laicum jurisdictioni suæ temporali subiectum illicò remittere debet Judici Sæculari ab eo pœnis legum civilium puniendum, Clericum verò prius depositum & degradatum, nullâ expectatâ corrigibilitate, Curia seu Magistratu Sæculari tradere. Farin. *cit. q. 120. n. 21.* Pirh. *h. t. num. 5.*

**Quæst. 216. Quid sit circa infantes, qui**

*mortui reperiuntur, cum patre & matre cubantes in eodem lecto?*

**Resp.** imprimis de Jure Canonico juxta, *c. consuluisti. 2. q. 5.* monendi & protestandi sunt parentes, ne tenellos infantes secum in eodem lecto collocent, ne qualibet negligentia proveniente suffocentur aut opprimantur, unde ipsi rei homicidii inveniantur, dein si mortui reperiuntur, & aliquis parentum ex istiusmodi simul cubatione culpabiliter reus probetur, aut talem se fateatur, utique pœnâ Homicidarum puniendus, cum, ut dicitur *cit. c. consuluisti.* si ille, qui conceptum in utero per abortum deleverit, homicida est, quanto magis, qui unius saltem diei puerulum peremerit, Homicidam se esse excusare nequibit. Si autem nesciat, cujus culpâ, matris vel patris, mors infantis contigerit, citra tamen utriusque intentionem, sine pœna tamen esse non debent, sed trium annorum, quorum unus in pane & aqua transigendus, pœnitentiâ illis imponenda, juxta *c. ult. h. t.* eo quòd, etsi mortem infantis non intenderint aut præviderint, mortis tamen periculo illum exposuerint, contra prohibitionem & monitionem collocando illum secum in eodem lecto, verùm hanc etiam pœnitentiâ non amplius in usu esse, sed pœnitentiâ etiam arbitrio Judicis vel discreti Sacerdotis (intellige Confessarii) injungendam testantur & tenent Abb. *in c. fin. h. t. in fine.* Decian. *pr. Crim. L. 9. c. 8. num. 20.* Menoch. *de Arb. L. 2. q. 356. num. 61.* Pirh. *h. t. num. 8.* si etiam talis recubatio & exinde secuta oppressio infantis caret omni culpâ, ut contingere potest, juxta Barbos. *in c. fin. h. t. num. 2.* quem refert Reiffent. *h. t. n. 11.* si lectus latus est, & puer implacabilis, aut fortè à frigore defendi nequit, &c. cessat omnis pœna.

**Quæst. 217. Quæ specialiter statuta pœnæ procurantibus abortum?**

**1. Resp.** Primò: Mater procurans abortum factus animati, eumque vel in utero necat, vel vivum expellens perimit, verùm parricidium committit, pœnarumque jure civili parricidis statutarum est rea, *L. Cicero. ff. de pœnit.* Constit. Caroli V. *q. 133.* ubi specialiter ei pœna capitalis irrogatur, si verò factus nondum animatus fuit, Jure Civili non infligitur pœna ultimi supplicii, sed arbitraria Judicis, v. g. exilii, fustigationis. Menoch. *de arb. cas. 357.* Clar. *§. 5. q. 68. n. 2.* Arg. *L. mulierem. ff. ad Leg. Cornel. & vit. L. Cicero. & cit.* Constituit. Carolina.

**2. Resp.** Secundò: Jure Ecclesiastico gravissimæ pœnæ statuta contra quoscunque, sive directè, sive indirectè procurantes abortum, præcipuè per Constit. Sixti V. *ad effrenatam.* dicti Pontificis 87. quam, quia digna lectu, per extensum hic inducit Reiffent. *à num. 16.* eandemque, etsi moderaverit Gregor. XIV. in sua Bulla, incipiente: *Sedes Apostolica,* non nisi circa absolutionem ab excommunicatione, & circa procurantes directè vel indirectè abortum nondum animatum, in cæteris tamen reliquisse in suo vigore, tenere omnes testatur Sporer, *in Theolog. Sacram. p. 4. c. 4. f. 2. num. 714.* apud Reiffent. *h. t. num. 19.* eandem Bullam Gregor. verbotenus fusè inducentem. Sic itaque directè vel indirectè per se vel per alium quocunque modo, etiam præstando consilium, auxilium, favorem incurrunt pœnas utroque jure statutas contra homicidas & in specie Jure Ecclesiastico contrahunt irregularitatem, excommunicationem,